

大般涅槃經

卷三十四

百廿五
率四

48027

Y



元祿九年丙子二月日重脩

皇圖鞏固 帝階綴昌

佛日增輝 懋輪常轉

山城州天安寺法金剛院置

Large, faint watermark characters, possibly '正印' (Sein), are visible in the background of the page.

大般涅槃經卷第三十四

北涼天竺三藏曇無讖奉 詔譯

大般涅槃經迦葉菩薩品第十二之二

善男子菩薩二種一者實義二者假名假名

菩薩聞我三月當入涅槃皆生退心而作是

言如其如來無常不住我等何為為是事故

無量世中受大苦惱如來世尊成就具足無

量功德尚不能壞如是死魔況我等輩當能

壞耶善男子是故我為如是菩薩而作是言

如來常住無有變易善男子我諸弟子聞是

說已不解我意定言如來終不畢竟入於涅槃

槃善男子有諸衆生生於斷見作如是言



切衆生身滅之後善惡之業無有受者我爲
是人作如是言善惡果報實有受者云何知
有善男子過去之世拘尸那竭有^王名曰善
見作童子時經八萬四千歲作太子時八萬
四千歲及登王位^亦八萬四千歲於獨處坐
禪是思惟衆生薄福壽命短促常有四惡而
適逐之不自覺知猶故放逸是故我當出家
脩道斷絕四惡生老病死即勅有司於其城
外作七寶堂作已使告群臣百官宮內后妃
諸子眷屬汝等當知我欲出家能見聽不爾
時大臣及其眷屬各作是言善哉大王今正
是時時善見王將一使^人獨往堂上復經八

萬四千年中脩集慈心是慈因緣於後八萬
四千世中次第得作轉輪聖王三十世中作
釋提桓因無量世中作諸小王善男子爾時
善見豈異人乎莫作斯觀即我身是善男子
我諸弟子聞是說已不解我意唱言如來定
說有我及有我我所又我一時爲諸衆生說
我者即是性也所謂以外因緣十二因緣衆
生五陰心界世間功德業行自在天世即名
爲我我諸弟子聞是說已不解我意唱言如
來定說有我善男子復於異時有一比丘來
至我所作如是言世尊云何名我誰是我耶
何緣故我我時即爲比丘說言比丘無我我

所眼者即是本無今有已有還無其生之時
無所從來及其滅時亦無所至雖有業果無
有作者無有捨陰及受陰者如汝所問云何
我者我即期也誰是我者即是業也何緣我
我者即是受也比丘譬如二手相拍聲出其
中我亦如是衆生業愛三因緣故名之爲我
比丘一切衆生色不是我我中無色色中無
我乃至識亦如是比丘諸外道輩雖說有我
終不離陰若說離陰別有我者無有是處一
切衆生行如幼化熱時之燄比丘五陰皆是
無常無樂無我無淨善男子爾時多有無量
比丘觀比丘五陰●無我我所得阿羅漢果善哉

子我諸弟子聞是說已不解我意唱言如來
定說無我善男子我於經中復作是言如來
和合得受是身一父二母三者中陰是三和
合得受是身或時復說阿那含人現般涅槃
或於中陰入般涅槃或復說言中陰身根具
足明了皆因往業如淨醍醐善男子我或時
說弊惡衆生所受中陰如世間中鹿豕麋蝼
純善衆生所受中陰如波羅柰所出白疊我
諸弟子聞是說已不解我意唱言如來說有
中陰善男子我復爲彼逆罪衆生而作是言
造五逆者捨身直入阿鼻地獄我復說言曇
摩留枝比丘捨身直入阿鼻地獄於其中間

無止宿處我復爲彼犢子梵志說言梵志若
有中陰則有六。我復說言無色衆生無有
中陰善男子我諸弟子聞是說已不解我意
唱言佛說定無中陰善男子我於經中復說
有退何以故因於無量懈怠懶墮諸比丘等
不脩道故說退五種一者樂於多事二者樂
說世事三者樂於睡眠四者樂近在家五者
樂多遊行以是因緣令比丘退說退因緣復
有二種一內二外阿羅漢人雖離內因不離
外因以外因緣故生煩惱生煩惱故則使退
失復有比丘名曰瞿坦六反退失退已慚愧
復更進脩第七昂得已恐失以刀自害我

復或說有時解脫或說六種阿羅漢等我諸
弟子聞是說已不解我意唱言如來定說有
退善男子經中復說譬如焦炭不還爲木亦
如瓶壞更無瓶用煩惱亦爾阿羅漢斷終不
還生亦說衆生生煩惱因緣凡有三種一者未
斷煩惱二者不斷因緣三者不善思惟而阿
羅漢無二因緣謂斷煩惱無不善思惟善男
子我諸弟子聞是說已不解我意唱言如來
定說無退善男子我於經中說如來身凡有
二種一者生身二者法身言生身者即是劣
使應化之身如是身者可得言是生老病死
長短黑白是此是彼是學無學我諸弟子聞

是說已不解我意。唱言如來定說佛身是有
爲法。法身即是常樂。我淨永離一切生老病
死。非白非黑。非長非短。非此非彼。非學無學。
若佛出世及不出世。常住不動。無有變易。善
男子。我諸弟子聞是說已。不解我意。唱言如
來定說佛身是無爲法。善男子。我經中說云。
何名爲十二因緣。從無明生行。從行生識。從
識生名色。從名色生六入。從六入生觸。從觸
生受。從受生愛。從愛生取。從取生有。從有生
生。從生則有老死憂苦。善男子。我諸弟子聞
是說已。不解我意。唱言如來說十二緣定是
有爲。我又一時告喻比丘而作是言。十二因

緣有佛無佛性相常住善男子有十二緣不
從緣生有從緣生非十二緣有從緣生亦十
二緣有非緣生非十二緣有十二緣非緣生
者謂未來世十二枝也有從緣生非十二緣
者謂阿羅漢所有五陰有從緣生各十二緣
者謂凡夫人所有五陰十二因緣有非緣生
非十二緣者謂虛空涅槃善男子我諸弟子
聞是說已不解我意唱言如來說十二緣定
是無爲善男子我經中說一切衆生作善惡
業捨身之時四大於此即特散壞純善業者
心即上行純惡業者心即下行善男子我諸
弟子聞是說已不解我意唱言如來說心定

常善男子我於一時爲頻婆娑羅王所作是
言大王當知色是無常何以故從無常因而
得生故是色若從無常因生智者云何說言
是常若色是常不應壞滅生諸苦惱今見是
色散滅破壞是故當知色是無常乃至識亦
如是善男子我諸弟子聞是說已不解我意
唱言如來說心定斷善男子我經中說我諸
弟子受諸香華金銀寶物妻子奴婢八不淨
物獲得正道得正道已亦不捨離我諸弟子
聞是說已不解我意定言如來說受五欲不
妨聖道又我一時復作是說在家之人得正
道者無有是處善男子我諸弟子聞是說已

不解我意。唱言如來說。受五欲。定遮正道。善男子。我經中說。遠離煩惱。未得解脫。猶如欲界脩集世間第一法也。善男子。我諸弟子聞作是說。不解我意。唱言如來說。第一法。唯是欲界。又復我說。燻法頂法。忍法世第一法。在於初禪。至第四禪。我諸弟子聞是說。已不解我意。唱言如來說。如是法在於色界。又復我說。諸外道等。先已得斷四禪煩惱。脩集燻法頂法。忍法世第一法。觀四真諦。得阿那含果。我諸弟子聞是說。已不解我意。唱言如來說。第一法。在無色界。善男子。我經中說。四種施中。有三種。淨一者。施主信。因信果。信施受者。

不信因果與施二者受者信因果施施主不
信因果及施三者施主受者二俱有信四者
施主受者二俱不信是四種施初三種淨我
諸弟子聞是說已不解我意唱言如來說施
唯意善男子我於一時復作是說施者施時
以五事施何第爲五一者施色二者施力三
者施安四者施命五者施辯以是因緣施主
還得五事果報我諸弟子聞是說已不解我
意唱言佛說施即五陰善男子我施一時宣
說涅槃即是遠離煩惱永盡滅無遺餘猶如
燈滅更無法生涅槃亦爾言虛空者即無所
有譬如世間無所有故名爲虛空非智緣滅

即無所有如其有者應有因緣有因緣故應
有盡滅以其無故無有盡滅我諸弟子聞是
說已不解我意唱言佛說無三無爲善男子
我於一時爲目捷連而作是言目連夫涅槃
者即是章句即是足跡是畢竟處是無所畏
即是大師即是大果是果竟智即是大忍無
礙三昧是大法界是甘露味即是難見目連
若說無涅槃者云何有人生誹謗者墮於地
獄善男子我諸弟子聞是說已不解我意唱
言如來說有涅槃復於一時我爲目連而作
是說目連眠不牢固至身亦爾皆不牢固不
牢固故名爲處空食下迴轉消化之處一切

音聲皆名虛空我諸弟子聞是說已不解我
意唱言如來決定說有虛空無爲復於一時
爲目連說目連有人未得須陀洹果住忍法
時斷於無量三惡道報當知不從智緣而滅
我諸弟子聞是說已不解我意唱言如來決
定說有非智緣滅善男子我又一時爲跋波
比丘說跋波若比丘觀色若過去若未來若
現在若近若遠若麤若細如是等色非我我
所若有比丘如是觀已能斷色愛跋波又言
云何名色我言四大名色四陰名名我諸弟
子聞是說已不解我意唱言如來決定說言
色是四大善男子我復說言譬如因鏡別有

像現色亦如是因四大造所謂麤細澀滑青黃赤白長短方圓邪角輕重寒熱飢渴煙雲塵霧是名造色猶如響像我諸弟子聞是說已不解我意唱言如來說有四大則有造色或有四大無有造色善男子往昔一時菩提王子作如是言若有比丘護持禁戒若發惡心當知是時失比丘戒我特語言菩提王子戒有七種從於身口有無作色以是無作色因緣故其心雖在惡無記中不名失戒徧名持戒以何因緣名無作色非異色因不作異色因果善男子我諸弟子聞是說已不解我意唱言佛說有無作色善男子我於餘經作

如是言戒者即是遮制惡法若不作惡是名
持戒我諸弟子聞是說已不解我意唱言如
來決定宣說無無作色善男子我於經中作
如是說聖人色陰乃至識陰皆是無明因緣
所出一切凡夫亦復如是從無明生愛當知
是愛即是無明從愛生取當知是取即無明
愛從取生有是^是有即無明愛取從有生受
當知是受即是行有從受因緣生於名色無
明愛取有行受觸識六入等是故受者即十
二枝善男子我諸弟子聞是說已不解我意
唱言如來說無心數善男子我於經中作如
是說從眼色明惡欲等四則生眼識言惡欲

者即是無明欲性求時即名爲愛愛因緣取
取名爲業非業因緣識識緣名色名色緣六入
六入緣觸觸緣想受愛信精進定慧如是等
法因觸而生然非是觸善男子我諸弟子聞
是說已不解我意唱言如來說有心數善男
子我或時說唯有一有或說二三四五六七
八九至二十五我諸弟子聞是說已不解我
意唱言如來說有五有或言六有善男子我
往一時住迦毗羅衛尼拘陀林時釋摩男來
至我所作如是言云何名爲優婆塞也我即
爲說若有善男子善女人諸根完具受三歸
依是則名爲優婆塞也釋摩男言世尊云何

名爲一分優婆塞我言摩男若受三歸及受
一戒是名一分優婆塞也我諸弟子聞是說
已不解我意唱言如來說優婆塞戒不具受
得善男子我於一時住恒河邊爾時迦旃延
來至我所作如是言世尊我教衆生今受齋
法或一日或一夜或一時或一念如是之人
成齋不耶我言比丘是人得善不名得齋我
諸弟子聞是說已不解我意唱如來言說入
戒齋具受乃得善男子我於經中作如是說
若有比丘犯四重已不名比丘名破比丘亡
失比丘不復能生善牙種子譬如焦種不生
果實如多羅樹頭若斷壞則不生果犯重比

丘亦復如是。我諸弟子聞是說，已不解我意。唱言：如來說諸比丘犯重禁，已失比丘戒。善男子，我於經中爲純陀說四種比丘一者畢竟到道，二者示道，三者受道，四者汙道。犯四重者，卽是汙道。我諸弟子聞是說，已不解我意。唱言：如來說諸比丘犯四重，已不失禁戒。善男子，我於經中告諸比丘：一乘一道一行一緣。如是，一乘乃至一緣，能爲衆生作大寂靜，永斷一切繫縛愁苦及苦因。令一切衆到於一，有我諸弟子聞是說，已不解我意。唱言：如來說須陀洹，乃至阿羅漢，人皆得佛道。善男子，我於經中說須陀洹，人人間天上七

區往來使般涅槃斯陀舍人一受人天使般
涅槃阿那舍人凡有五種或有中間般涅槃
者乃至上流般涅槃者阿羅漢人凡有二種
一者現在二者未來現至亦斷煩惱五陰未
來亦斷煩惱五陰我諸弟子聞是說已不解
我意唱言如來說須陀洹至阿羅漢不得佛
道善男子我於此經說言佛性具有六事一
常二實三真四善五淨六可見我諸弟子聞
是說已不解我意唱言佛說眾生佛性離眾
生有善男子我又說言眾生佛性猶如虛空
虛空者非過去非未來非現在非內非外非
是色聲香味觸攝佛性亦爾我諸弟子聞是

說已不解我意。唱言佛說衆生佛性離衆生。有善男子。我又復說衆生佛性。猶如貧女宅中寶藏。力士額上金剛寶珠。轉輪聖王甘露之泉。我諸弟子聞是說已。不解我意。唱言佛說衆生佛性。離衆生。有善男子。我又復說。犯四重禁。一闍提人。謗方等經。作五逆。羅皆。有佛性。如是衆生。都無善法。佛性是善。我諸弟子聞是說已。不解我意。唱言佛說衆生佛性。離衆生。有善男子。我又復說衆生者。卽是佛性。何以故。苦離衆生。不得阿耨多羅三藐三菩提。是故我與波斯匿王。說於象喻。如音說象。雖不得象。然不離象。衆生說色。乃至說識。

是佛性者亦復如是雖非佛性非不佛性如
我爲王說整篋喻佛性亦爾善男子我諸弟
子聞是說已不解我意作種種說如盲問乳
佛性亦爾以是因緣或有說言犯四重禁謗
方等經作五逆罪一闍提等悉有佛性或說
言無善男子我於處處經中說言一人出世
多人利益一國土中二轉輪王一世界中二
佛出世無有是處一四天下八四天王乃至
二他化自在天亦無是處然我乃說從闍浮
提阿鼻地獄上_至阿迦貳吒天我諸弟子聞
是說已不解我意唱言佛說無十方佛我亦
於諸大乘經中說有十方佛善男子如是諍

訟是佛境界非諸聲聞緣覺所知若人於是
生疑心者猶能摧壞無量煩惱如須彌山若
於是中生決定者是名執著迦葉菩薩白佛
言世尊云何執著佛言善男子如是之人若
從他聞若自尋經若他故教於所著事不能
放捨是名執著迦葉復言世尊如是執著爲
是善耶是不善乎善男子如是執著不名爲
善何以故不能摧壞諸疑網故迦葉復言世
尊如是人者本自不疑云何說言不壞疑網
善男子夫不疑者即是疑也世尊若有人謂
須陀洹人不墮三惡是人亦當名著名疑善
男子是可名定不得名疑何以故善男子譬

如有人先見人樹後時夜行遙見杭根使生
疑想人耶樹耶善男子如人先見比丘梵志
後時於路遙見比丘即生疑想是沙門耶是
梵志乎善男子如人先見牛與水牛後遙見
牛使生疑想彼是牛耶是水牛乎善男子一
切衆生先見二物後使生疑何以故心不
故我亦不說須陀洹人有墮三惡不墮三惡
是人何故生於疑心迦葉言世尊如佛所說
要先見已然後疑者有人未見二種物時亦
復生疑何等是耶所謂涅槃世尊譬如有人
路遇濁水然未曾見而亦生疑如是水者深
耶淺耶是人未見云何生疑善男子夫涅槃

者即是斷若非涅槃者即是若也一切衆生
見有二種見若非若者即是飢渴寒
熱瞋喜病瘦安隱老壯生死繫縛解脫思愛
別離怨憎聚會衆生見已即使生疑當有畢
竟遠離如是若惱事不是故衆生於涅槃中
而生疑也汝意若謂是人先來未見濁水云
何疑者是義不然何以故是人先於餘處見
已是以故於此未曾到處而復生疑世尊是人
先見深淺處時已不生疑於今何故而復生
疑佛言善男子本未行政所以生疑是故我
言不乃故疑迦葉菩薩白佛言世尊如佛所
說疑即是著著即是疑爲是誰耶善男子斷

善根者迦葉言世尊何等人輩能斷善根善
男子若有聰明黠慧利根能善分別遠離善
友不聽正法不善思惟不如法住如是之人
能斷善根離是四事心自思惟無有施物何
以故於者即是捨於財物若施有執當知施
主常應貧窮何以故子果相似故是故說言
無因無果若如是說無因無果是別名爲斷
善根也復作是念施主受者及以財物三事
無常無有停住若無停住云何說言此是施
主受者財物若無受者云何得果以是義故
無因無果若如是說無因無果當知是人能
斷善根復作是念施者施時有五事施受者

受已或時作善或作不善而是施主亦復不
得善不善果如世間法從子生果果還作子
因即施主果即受者而是受者不能以此善
不善法令施主得以是善故無因無果若如
是說無因無果當知是人能斷善根復作是
念無有施物何以故施物無記若是無記云
何而得善果執也無善惡果即是無記財若
無記當知則無善惡果報是故無施無因無
果若如是說無因無果當知是人能斷善根
復作是念施者即意若是意者無見無對非
是色法若非是色云何可施是故無施無因
無果若如是說無因無果當知是人能斷善

根復作是念施主若爲佛像天像命過父母
而行施者則無受者若無受者應無果報若
無果報是爲無因若無因者是爲無果若如
是說無因無果當知是人能斷善根復作是
念無父無母若言父母是衆生因生衆生者
理應常生無有斷絕何以故因常有故然不
常生是故當知無有父母復作是念無父無
母何以故若衆生身因父母有一人應具男
女二根然無具者當知衆生非因父母復作
是念非因父母而生衆生何以故眼見衆生
不似父母謂身色心威儀進止是故父母非
衆生因復作是念一切世間有四種無一者

未生名無如泥團時未有瓶用二者滅已名
無如瓶壞已是名爲無三者各異互無如牛
中無馬馬中無牛四者異竟名無如兔角龜
毛衆生父母亦復如是同此四無若言父母
衆生因者父母死時子不必死是故父母非
衆生因復作是念若言父母衆生因者應因
父母常生衆生然而復有化生溼生是故當
知非因父母生衆生也復作是念自有衆生
非因父母而得生長譬如孔雀聞雷震聲而
便得身又如音雀飲雄雀淚而便得身如命
命鳥見雄者舞即便得身作是念時如其不
遇善知識者當知是人能斷善根復作是念

一切世間無善惡果何以故有諸衆生具十
善法樂行慈施勤脩功德是人亦復疾病集
身中年夭喪財物損失多諸憂若有行十惡
慳貪嫉妬懶惰懈怠不脩諸善身安無病終
保年壽多饒財寶無諸愁苦是故當知無善
惡果復作是念我亦曾聞諸聖人說有人脩
善命終多墮三惡道中有人行惡命終生於
人天之中是故當知無善惡果復作是念一
切聖人有二種說或說殺生得善果報或說
殺生得惡果報是故當知聖說不定聖若不
定我云何定是故當知無善惡果復作是念
一切世間無有聖人何以故若言聖人應得

正道一切衆生具煩惱時脩正道者當知是
人正道煩惱一時俱有若一時有當知正道
不能破結若無煩惱而脩道者如是正道爲
何所作是故具煩惱者道不能壞不具煩惱
道則無用是故當知一切世間無有聖人復
作是念無明緣行乃至生緣老死是十二因
緣一切衆生等若有之八聖道者其性平等
亦應如是一人得時一切應得一人脩時應
一切若滅何以故煩惱等故而今不得是故
當知無有正道復作是念聖人皆有同凡夫
法所謂飲食行住坐卧睡眠喜笑飢渴寒熱
憂愁恐怖若同凡夫如是事者當知聖人不

得聖道若得聖道應當永斷如是等事如是
等事如其不斷當知無道復作是念聖人有
身受五欲樂亦復罵辱搥打於人嫉妬憍慢
受於若樂作善惡業是因緣故知無聖人若
有道者應斷是事。是事不斷當知無道復作
是念多情愆故名爲聖人何因緣故名爲聖
人道因緣故名爲聖人若道性憐愍便應愆
念一切衆生不待脩已然後方得如其無愆
何故聖人因得聖道能憐愍耶是故當知世
無聖道復作是念一切四大不從因生衆生
等者是四大性不觀衆生是邊應到彼不應
到若有聖道性應如是然今不爾是故當知

世無聖人後作是念若諸聖人有一涅槃當
知是則無有聖人何以故不可得故常住之
法理不可得不可取捨若諸聖人涅槃多者
是則無常何以故可數法故涅槃若二人得
時一切應得涅槃若多是則有邊如其有邊
云何名常若有說言涅槃體一解脫是多如
蓋是一牙舌是多是義不然何以故一
所得非一切得亦有邊故是應無常若無常者
云何得名為涅槃耶涅槃若無誰為聖人是
故當知無有聖人後作是念聖人之道非因
緣得若聖人道非因緣得何故一切不作聖
人若一切人非聖人者當知是則無有聖人

及以聖道復作是念聖說正見有二因緣一
者從他聞法二者內自思惟是二因緣若從
緣生所從生者復從緣生如是展轉有無窮
過若是二事不從緣生一切衆生何故不得
作是觀時能斷善根善男子若有衆生深見
如是無因無果是人能斷信等五根善男子
斷善根者非是下劣愚鈍之人亦非天中及
三惡道破僧亦爾迦葉菩薩白佛言世尊如
是之人何時當能還生善根佛言善男子是
人二時還生善根初入地獄出地獄時善男
子善有三種過去現在未來若過去者其性
自滅因雖滅盡果孰未孰是故不名斷過去


果斷三世因故名爲^斷迦葉菩薩白佛言世
尊若斷三世因名斷善根斷善根人即有佛
性如是佛性爲是過去爲是現在爲是未來
爲徧三世若過去者云何名常佛性亦常是
故當知非過去也若未來者云何名常何故
佛說一切衆生必定當得若必定得云何言
斷若現在者復云何常何故復言必得可見
如來亦說佛性者六一常二真三實四善五
淨六可見若斷善根有佛性者則不得名斷
善根也若無佛性云何復言一切衆生悉有
佛性若言佛性亦有亦斷云何如來復說是
常佛言善男子如來世尊爲衆生故有四種

答一者定答二者分別答三者隨問答四者
置答善男子云何定答若問惡業得善果耶
不善果^子乎是應定答得不善果善亦如是若
問如來一切智不是應定答是一切智若問
佛法是清淨不是應定答必足清淨若問如
來弟子如法住不是應定答有如法住是名
定答云何分別答如我所說四真諦法云何
爲四若集滅道何謂若諦有八若故名曰若
諦云何集諦五陰因故名爲集諦云何滅諦
貪欲瞋癡畢竟盡故名爲滅諦云何道諦三
十七助道法名爲道諦是分別答云何隨
問答如我所說一切法無常彼有問言如來

世尊爲何法故說於無常答言如來爲有爲
法故說無常無我亦爾如我所說一切法燒
他又問言如來世尊爲何法故說一切燒答
言如來爲貪瞋癡說一切燒善男子如來十
力四無所畏大慈大悲三念處首楞嚴等八
萬億諸三昧門三十二相八十種好五智印
等三萬五千諸三昧門金剛定等四千二百
諸三昧門方便三昧無量無邊如是等法是
佛佛性如是佛性則有七事一常二我三樂
四淨五真六實七善是名分別答善男子後
身菩薩佛性有六一常二淨三真四實五善
六少見是名分別答如汝先問斷善根人有

佛性者亦有如來佛性亦有後身佛性是二
佛性障未來故得名爲無畢定得故得名爲
有是名分別答如來佛性非過去非現在非
未來後身佛性現在未來少可見故得名現
在未來且見故名爲未來如來未得阿耨多羅
三藐三菩提時佛性因故亦是過去現在未
來果則不爾有是三世有非三世後身菩薩
佛性因故亦是過去現在未來果亦是是
名分別答九住菩薩佛性六種一常二善三
眞四實五淨六可見佛性因故亦是過去現
在未來果亦是是名分別答八住菩薩下
至六住佛性五事一眞二實三淨四善五可

見佛性因故亦是過去現在未來果亦如是
是名分別答五住菩薩下至初住佛性五事
一真二實三淨四可見五善不善善男子是
五種佛性六種佛性七種佛性斷善根人必
當得故故得言有是名分別答若有說言斷
善根者定有佛性定無佛性是名置答如葉
菩薩言世尊我聞不答乃名置答如鉢今者
何因緣答而名置答善男子我亦不說置而
不答乃說置答善男子如是置答彼有二種
一者遮止二者莫著以是義故得名置答



弊世 世 澀入參音 數山葛 渴朱二 曷功 犢音 讀音 懶功
 卑奴 管 杭功五 忽 黠功戶八 圃 搏音 獨功 陟瓜 鈍功 困

Handwritten scribbles at the top of the page.

Handwritten mark or signature at the bottom center of the page.

Handwritten scribbles at the bottom of the page.

